



名家詞鈔目錄

廬陵 聶先 晉人

長水 曾王孫 道扶

纂定

玉壺詞

雲間 葉尋源 硯孫

荷葉杯 二調 蝴蝶兒

菩薩蠻 三調 憶秦娥

武陵春 山花子

惜分飛 思遠人

恨來遲

浪淘沙

玉樓春

雨中花

蝶戀花

一剪梅

解珮令

師師令

鶴冲天 二調

魚遊春水

法曲獻仙音

意難忘 二調

滿江紅 二調

滿庭芳

燭影搖紅 二調

醉蓬萊

玉蝴蝶 二調

念奴嬌

玉燭新

憶舊遊

水龍吟

花犯

望遠行

疎影

沁園春 二調

玉壺詞

雲間 葉尋源 硯孫
荷葉杯



約定來時無據。風雨擁被數寒更。紙窓微白月微明。
晴麼晴。晴麼晴。

前調

寂寞刀環音信。孤枕剪燭對紗窓。戲拈骰子卜歸艤。
雙麼雙。雙麼雙。

蝴蝶兒

蝴蝶兒。粉牆西。一雙高下逐晴絲。日長舞影遲。思
婦含顰繡。鴟髮撲扇隨。兩般情緒落花時。笑啼爭爲
伊。

菩薩蠻

碧陰黯淡黃梅雨。薰篝潤處添香炷。冷暖奈何天。春
衫私自憐。洞房人似夢。雲壓青山重。窓隙一枝紅。
榴花颭曉風。

前調

鴨香暖襯吳綾被。紅潮翻浪文鴛睡。殘夢怯遼東。關
山路幾重。燈煤舒鶴頸。翠帳朦朧影。栖燕語雙雙。
寒風雨打窓。

前調

柳花驅雪棠梨謝。涓涓玉乳芳塘瀉。塘上綠鴛鴦。睡
酣春渚涼。禪禱垂皓腕。紅透湘波軟。螺子畫雙蛾。
長顰奈爾何。

憶秦娥

月娟娟。洞房一夜愁無眠。愁無眠。榴花謝矣。春夢依
然。尋思昔日華堂前。燭花影裏人翩翩。人翩翩。見

時草草。別後綿綿。

武陵春

踏青

陌上青青知幾許。約伴趁晴空。翠袖湘裙遶落紅。人在畫圖中。記得舊年遊慣處。底事忽添慵。繞樹遊絲撲面風。飛燕自西東。

山花子

佩萸

如粟重房浥露芳。針樓採伴菊花觴。記得汝南曾囑付。辟邪方。翠縷繫來紅點袖。酥胸佩處玉生香。更剪絳紗親刺繡。贈檀郎。

惜分飛

彈琴

落葉和霜沾碧甃。斜抱焦桐獨奏。人在墻東否。遙天蕩漾秋雲瘦。園客絲邊織指逗。彷彿泉飛石溜。彈徹沉沉漏。茶烟一縷風奏。

思遠人

霜逼重裘寒意緊。雲外月痕小。薰篝篆緩。紅綿衾軟。曾記卸粧早。雪花敲戶風燈悄。旅店蕭關道。想寂寂。繡窓剪刀聲歇。和衣夢多少。

恨來遲

半掩金鋪。瑣窓深處。燭暗香凝。蚤月影移花。霜華浸
院。倚遍蓉屏。想畫樓不隔水。盈盈。吠。獨不耐深更。
記背地逢時。殷勤密約。何限叮嚀。

浪淘沙

夜思

樓上曉風殘。香燼燈闌。月華淡。視露華寒。幾曲雲屏
遮不住。夢裏吳山。睡醒凭欄子。天外鴻單。西洲人
去幾時還。簾外一枝。花影動。門掩雙環。

玉樓春

撲曉

池塘搖颺東風軟。遶樹穿廊消午倦。輕統扇處月輪

翻。薄鬢鬆時雲影顫。憎伊死向花心戀。舞衣低墮
香魂戰。拈將裙樣試端相。繡譜重添金縷線。

雨中花

荷花

欄外芙蓉。驕午暑看嫩綠。輕紅無語。想葉底抽絲。心
中含苦。滋味儂分與。雲際垂垂催暮雨。手欲折幾
回還住。記人似蓮花。花今無恙。人可長如許。

蝶戀花

新月一鈎。簾外墮。扇撲流螢。斜倚闌干坐。今夜縵華
開幾朵。摘來朵朵真珠顆。憐香自把羅衾裹。僥倖

檀郎伴却花和我。小婢隔樓休瑣瑣。微涼恰值郎眠
妥。

一剪梅 贈歌鬟

綽約風神淺淡粧。道是蕭娘。不是蕭娘。烏紗低壓藕
衫長。真也無雙。假也無雙。顧曲臨風幾斷腸。爲却
檀郎。賺却檀郎。紅瑜八尺似瀟湘。別也淒涼。見也淒
涼。

解珮令 閨人蹴毬

風聲敲竹。爐烟裊綠。錦毬毬星輪低蹴。窄袖輕衫。肩
並處。春趺飛逐。笑鵝髮新教難熟。衣香散馥。燕釵
墮玉。漸融融暖生金屋。倦倚屏山。蚤墻角斜陽西促。
對菱花殘粧重沐。

師師令 鴈影

哀音滿耳。正沙平似紙。彩蟾爛照碎金流。蕩漾處蘆
花淺水。行疎墨淡。風前倚橫寫人人字。無聲有恨
淒涼意。恰征夫愁裏。來如雲片去如烟。排比遍一江
愁思。溼露泠泠吹不起。悵素書難寄。

鶴冲天

和尊斂自題小像

鱸汀鶴渚。張翰飄然處。釣罷試長吟。驚人句。况清漣
一曲。天賜與騷人住。金門辭舊侶。只有閒鷗伴。却屬
芒衫苧。蘋香靄暮。款乃隨波去。軟浪薄秋聲。江如
煮。蚤春明夢覺。飽嘗遍風和雨。直鈎心自許。便道無
魚。不是舊年羈緒。

前調

中秋前送友之虎丘

掛帆人遠。漸玉蟾輝滿。重露洗芙蓉。秋方半。正疎林
葉淨。數列岫參差現。望虛無碧漢。點點雲鱗鬣。水
痕微泮。廣場絲管。低送霓裳散。側坐倒銀船。旗亭
樓。一水盈盈如限。

魚遊春水

春風

望長空雲薄。梧桐外涼颼乍作。凋紅隕綠。斜逼青山
如削。蒼葭響處潮痕長。白雁飛時蘭炮落。爽逼絺衣。
寒生繡幙。暗想三春行樂。最苦是封姨作惡。誰知
轉眼金商更添寂寞。好夢吹從天外去。新愁驅向心
頭閣。一點窓燈。幾聲城柝。

法曲獻仙音

秋雲

碎剪冰綃。疊鋪鱗浪。裝綴秋容千片。欲斷還連。纔濃
又淡。隴絳河深淺。是遠岫蒼松裏。因風剪澄練。
凭欄遍。想人間情緒如紙。誰知道輕薄故分天半。縹
緲碧霄寒。儘容容宵凝朝捲。聚散無憑。問清虛何似
休點。怪商飈倦也。吹了依然重見。

意難忘 觀魚

水榭中央。正綺窓開處。小隊悠颺。吹風池面。縹緲露
浪。紋涼蓮葉底。芡花旁。鎮日恣徜徉。抵人間綠陰水
簾。竹徑藤床。凭欄試照新粧。却見儂清影。驚爾潛
藏。掠波紅露尾。避釣碧依塘。雨乍足。晝初長。遊戲儘
成雙。理画裙。添他比目。伴却鴛鴦。

前調 撲螢

數點流螢。正黃昏時節。梅雨初晴。風微吹細火。烟薄
漾疎星。依翠幙。颺紅檣。恰值晚粧停。想玉郎乘涼夜
讀。好當書燈。空廊又怯孤行。問雙鬟睡未。來伴深
更。霜紈隨腕動。小袖觸花輕。湖石畔。竹陰層。半晌忽
心驚。是栖鴉桐花蹴地。錯認釵聲。

滿江紅 曉粧

翠幙朝涼。漸窓罅初陽窺曙。辭湘簟。星眸懶展。夢魂猶注。綉袜微痕珠汗潤。薄綃織縷紅酥露。啓碧紗。絮語罵流鶯。驚人寤。闌干畔。榴英吐。池塘外。荷香度。對菱花斜照。胡鉛輕傅。小髻低梳。宮樣淺。澹粧儼畫仙娥素。怪昨宵怯暑不成眠。情如霧。

前調 新浴

桐葉陰陰。望樓角餘霞散綺。雙鬟道晚涼宜浴。蘭湯清泚。香馥馥時犀扣解。光熒熒處柔肌靡。下繡簾背坐。画堂深。防偷視。粧乍換。烏雲委。腰無力。屏山倚。

趁荷風凝樹。薇花墮地。珠露細霑衫袖潤。銀波澹洗。嬋娟美笑檀郎。金餅儘拋殘。來遲矣。

滿庭芳 採蓮

初日含薰。曉粧纔罷。蘭舟競泛。西風翠霞微颭。點點溜珠融。欵乃一聲纔起。鴛鴦夢驚散。匆匆停橈望粉衫玉腕。撩亂攪花紅。橫塘頻采遍。柔莖易斷。情縷難窮。奈汗香羅膩。鴉髻雲鬆。怕被鄰姬笑。覩迴輕棹。潛隱芳叢。關情處。蓮心含苦。多半爲房空。

燭影搖紅 滄茗

小院風清。銀鑄栗火微紅映。梧桐甃外。轆轤聲碧溜。珠光瑩。分破團團鳳餅。展霜巾金渠拭淨。竹烟孤裊。扇影輕搖。松濤徐定。長日如年。粉郎吟倦朱欄凭。乳花散處。費親嘗冷。爇諳郎性。笑把瓷甌携贈。問瓊漿中冷可勝。幾痕脂暈。一捻手香。十分心醒。

前調 調水

蟬噪蠅喧。火輪炙樹炎飈扇。瑤宮留下水晶寒。淚點鮫綃泣。金錯敲時痕泮。裂繒聲雪。霜飛戰似珠滴滴。似玉溶溶似花片片。瓊碗初盛。玻璃一色光難辨。

春萸擎處。苧衫輕。紅減胭脂面。細把蔗霜調遍。勸檀郎淺斟低曠。冷堪清暑潔。可消塵爽。宜驅倦。

醉蓬萊 染指

步桐陰苔砌。鳳子舒英。殷痕狼籍。玉盒盛來。向銀盆碎礫。漫搗玄霜似敲素練。釀出胭脂液。點點輕濡。纖纖頻染。珊瑚暈赤。日午琵琶夜深。絃索流水聲中。小紅飛積。莫笑粧濃。勝綠眉黃額。膩粉偷勻香腮斜。托花片魚鱗迹。臂上守宮袖邊紺唾。一般憐惜。

玉蝴蝶 園亭避暑

一枕黃梁初覺。輕雷過處。殘雨纔收。却望綵虹似線。
界斷瓊樓。展聲來抱琴幽客。帆影度罷釣漁舟。步林
丘。荷珠散綴。松韻颼颼。何求。有魚堪釣。有醪堪煮。
有東堪抽。悟徹陰晴。此身而外。總浮漚。任天工白雲。
蒼狗。從我好。紫氣青牛。儘優游。如斯銷夏。因甚悲秋。

前調

潘岳年華過矣。鶯花性懶。絲竹情疎。聊作歡場解事。
那怕枝梧。學新聲兒童調笑。譜舊夢老輩胡盧。信狂
奴臨風起舞。見月驚呼。躊躇爲龍爲鼠。是鵬是鷄。

誰智誰愚。駒隙浮生。紅爐銷得二毛無。羨溫柔陶家。
一賦羞撫。拾左氏三都。且歡娛。人歌人哭。吾愛吾廬。

念奴嬌

舉網得魚同友小飲

柳塘日暮。恰漁灘掩映。斜紅如燒。酒伴闌干爭拍手。
頰尾過河猶掉。折柳穿腮。揮霜剗腹。片片銀鱗耀。厨
烟漸起。西鄰更覓同調。况值江上傳烽。征人思婦。
開口難逢笑。濁釀一壺肴。一盞。我輩久拚埋照。天與
清狂。地容簡僻。懷抱從君倒。玉山頽矣。醉眠莫問昏
曉。

玉燭新

雪

愁雲如疊障。看屋瓦魚鱗。砌來銀浪。梅邊竹外。遙凝
睇。淡掃江天圖障。冰虬白戰。似衣縞軍行沛上。清絕
處。霜鶴迷蹤。寥寥九霄傳響。髫年憶伴兒童。記聚
粉成山。忍寒歡賞。而今念往。搔短髻。縷縷素華相仿。
高眠無恙。紙帳底。羔觴斟唱。生怕那墻角微紅。朝陽
又放。

憶舊遊

過西友舊居

憶年時到此。一笑相迎。絮語忘歸。寂寞重過日。但疎
籬矮屋。如舊烏啼。故人悵望何處。門逕換東西。看古
木殘陽。依稀恰似。醉墨淋漓。含悽想前事。有多少
雄心。身後難知。對藐孤三尺。記侍君遊宴。無限提携。
而今道左憔悴。見我也驚疑。算哽咽傳情。誰聞瀨水
環釣磯。

水龍吟

秋露

絳河如帶初橫。暮霞散盡疎星現。輕颺欲度。驚桐梢
上。晶寒珠顫。墜處無聲。看時漸凝。沾來先。泣記武皇
殿外。江郎賦裏。幾度頻頻相見。惆悵燈昏月墮。正

瓊樓模糊倦眼。栖鴉背冷。敗蘆絮重。逃離一片。獨倚
琴床撫操。水絲潤初。彈幽怨。奈蓮籌漏促。花冠啼起。
朝陽如捲。

花犯 蘆花

趁西風凝霜鋪縞。低空亂如顫。任蓼紫楓殷。獨吐柔
心。蓬鬆靜蘸寒波淺。雲長水遠。相連遍。界江天似線。
添幾許征帆。賈舶。鴈影紅燈閃。年年遲暮。向橫塘。
判空花瘦影。滄涼古岸。笑倚旄三春楊柳。供人攀戀。
閒淡生來情態冷。便堆絮裝綿難做。暖算只有吹簫

窮士。此中潛伴。

望遠行 秋烟

將無望有。平蕪外蕩漾。天光欲暮。看時偏淡。沾着還
濃。恰似新愁縷縷。萬緒千絲。遮莫金風剪剪。依舊蕭
疎如許。最難禁。人在殘陽微雨。延竚。一帶瀟湘影
裏。蚤鎖却前山楓樹。吳宮紫玉。漢殿夫人。隱隱水綃
深處。擬向蘭橈問渡。青帘賒酒。躑躅幾迴。迷路但語
鴈。遙空聲聲來去。

疎影 落照用姜白石韻

山抽碧玉。正倦鴉鬧處。林暝雲宿。蕩漾平臯。一抹微
曛。朧朧斜透疎竹。江心迤邐收紅影。增慘淡烟波西
北。想箇人倚袖無言。漸漸黃昏愁獨。最惜長繩難
繫。歎如許逝景。霜鬢誰綠。遙羨漁翁罷釣。停綸又蚤
歸休茅屋。乍明欲滅桑榆外。總莫辨溪灣村曲。但望
中紫翠千重。恰對小屏綃幅。

沁園春

中元夕

四序平分。纔到新涼。又見嬋娟照征夫千里。無情有
恨。空閨獨影。似夢如烟。多少羈愁。今宵催起。比却從

前分外妍凝眸望。政針樓佛會。簇簇釵鈿。蘭堂永
夜淒然。歎團扇西風蚤棄捐。况人非仙子。秋來易老。
情同弦月。缺後難圓。酒罷長吟。吟殘起舞。腸斷悲哉
楚客篇。低頭處。羨莎雞在野。塞鴈當天。

前調

乍映珠簾。旋逼桐梢。又到南樓。記画橋東畔。曾看隔
歲西園賦裏。最說新秋。千里同明。滿輪孤照。人在瀟
湘縹緲遊。凭欄處。似莊生秋水。少伯扁舟。微軀此
外何求。有酒殘詩筒與茗甌。况清輝一點。如逢故友。

金波滿院。儘洗閒愁。鱸膾初肥。蟹螯漸膩。秣米登場。試蚤筩。陶然去。任天涯烽火。水面浮漚。

金蓬山

是瀛

曰。余嘗從事于長短句。及攬玉壺始

悔其少作而廢然返也。雖然硯孫豈欲以詞見哉。興之所寄。便足千古。使其儀簫韶之間。挾風雨之勢。天下之士。又安敢正明目而視之與。

聶晉人

先

曰。作小令須於虛神得手。方有一唱三

嘆之妙。作長調須於實處生情。乃見傾湫倒峽之勢。玉壺處處如峩眉。秋月清光一輪實處如浪擊蛟門。頃刻千里。偶與冰持快讀。一過不覺心曠神怡。能令萬山俱響。苟非付柔情于不怨。

寫麗致于無痕者。烏足以語此。

名家詞鈔目錄

廬陵 聶先 晉人

長水 曾王孫 道扶 纂定

蘭舫詞

海上 趙維烈 承哉

如夢令 一痕沙

女冠子 點絳脣

重疊令 錦堂春

少年遊 尋芳草

鷓鴣天

南鄉子

踏莎行

臨江仙 二調

蝶戀花

蘇幕遮

錦纏道

謝池春

訴衷情近

越溪春

祝英臺近

一叢花

早梅芳

滿江紅

意難忘

玉漏遲

滿庭芳

水調歌頭

鳳凰臺上憶吹簫

燭影搖紅

長亭怨慢

雙雙燕

高陽臺

東風第一枝

疎簾淡月

蘭舫詞

海上 趙維烈 承哉

如夢令 春曉

小院重門深閉。膩粉殘香粘臂。睡到正濃時。又被鳥聲驚起。風細風細。試問碧桃開未。

一痕沙

懷潘臨州

記得君行春暮。三度落花飛絮。莫道不相思。雁來時。雁到曾傳芳信。只是歸期難問。極北望燕關。隔雲山。

女冠子 雛妓

蛾眉蟬鬢。正是破瓜時。近最堪憐。口借腥紅潤。腰疑柳態綿。昵人伴冷落。欲語故遷延。暫作天邊月。片時圓。

點絳脣 題画美人

一幅生綃。是誰留下妖姬影。紗窓靜。自臨青鏡。少箇人兒並。剪水雙瞳恰似秋波映。偏孤另。問誰相稱。合受梅花聘。

重叠令 春閨

晴林風細調鶯語。一庭香散桃花雨。獨自理新粧。雙眉鎖恨長。歸期空負約。莫噪簷前鵲。休更話封侯。宜男草也羞。

錦堂春 秋閨

溪谿雙凋楊柳。林疎風落梧桐。玉關人遠音書斷。何必又飛鴻。寶鴨香殘心字。銀缸淚濕愁紅。怕看今夜天邊月。莫更照簾櫳。

少年遊 春郊卽事

江臯草色午風薰。一徑板橋分。柳葉欺眉。桃花勻面。

流水抱柴門。酒帘高掛新筍熟。還共倒清尊。着處
爲歡。直須沉醉。踏月過前村。

尋芳草 惜花

開得幾時也。又驚被雨零風打。怪東君甚意。工點綴
舊家園。怎拋舍。獨立望天涯。有多少。別愁縈惹。便
含毫細把離思寫。却字字都難下。

鷓鴣天 過龍華

捲雪潮生百步東。烟江鼓楫若乘空。袷衣客立秋風
裡。布衲僧歸落葉中。龍藏地。梵王宮。白雲天半透

疎鐘。禪房鎮日無人扣。曲徑松陰暮靄封。

南鄉子 登燕子磯

片石撼江臯。水激磯頭影動搖。閱盡興亡千古事。蕭
蕭。往日英雄不可招。一劍倚天高。恐有蛟龍起怒
濤。鐵鎖都應攔不住。滔滔和雨和風捲六朝。

踏莎行 渡浦

雲散高城。烟收平楚。南風五兩搖柔艣。幾層新綠暗
江村。桔槔聲裏黃梅雨。水縐魚鱗。柳梭鶯羽。尖尖
蘆筍抽沙渚。故人家住板橋東。扁舟直指橫塘路。

臨江仙 花下獨酌

正擬春前花下飲。山童恰報花開。條風拂樹送晴來。
青歸新柳眼。紅入舊桃腮。莫笑牀頭空竹葉。佳人
乍典金釵。尊中銷盡舊愁懷。縱無人共勸。還有月相
陪。

前調 登大悲閣望浦

面面虛窓臨極浦。我來高倚危欄。人烟盡處海天寬。
數聲離岸鷓。一帶落潮灘。便道蓬萊遙可接。暮雲
遮斷三山。漁歌唱出荻蘆灣。去隨紅日去。閒共白鷗

閒。

蝶戀花 寄宋義存

憶昔扁舟辭筍里。宋玉多情。不見三年矣。望遠樓高
頻獨倚。青山幾點橫雲起。別後音書無一紙。兩地
相思。君也應同此恨。不將身化雙鯉。隨風飛過吳淞
水。

蘇幕遮 閨情

柳塘陰。花徑合。綠水平池。對對鴛鴦狎。羞折宜男雲
鬢插。不放春歸。故把重門闔。繡慵挑。青罷踏。小小

愁城化作啼猿峽。訴向姮娥伴不答。一種相思沒箇安排法。

錦纏道

喜陳尚于成進士

陸海潘江。蘊就揆天才藻。撥芳林杏花香早。御爐烟
染宮袍好。玉勒雕鞍。踏遍長安道。憶對酒放歌雅
稱同調。笑吾生尚青衫席帽。回首千里關山鎖。重重
雲樹。皓月空相照。

謝池春

飲在頰山房

五畝之園。春到又開芳徑。小橋橫魚遊藻荇。掛絲烟
柳。有流鶯相並。好風光莫辜幽興。山疏野蕪。較似
侯鯖還勝。醉鄉寬何須獨醒。等他明月向迴廊低映。
待扶歸滿身花影。

訴衷情近

鐸菴茶話

雙屏狹小。曲徑斜通幽處。蒼苔細點閒堦。黃葉暗飄
古屋。窗外一池秋水。低映修篁。影裏鬚眉綠。堪遊
目。况剪山蔬野蕪。支公風味。相對清如菊。忘涼燠。鐘
聲漸報黃昏。落日半啣林麓。倦就繩牀宿。

越溪春

雨花臺

城遶亂山山擁樹。林外有高臺。南朝千古繁華地。記
寶花飛滿瑤階。松作虬龍。雲如蒼狗。葉滿青苔。琳
宮鹿苑黃埃。往事尚縈懷。更誰閒共講席說法。無遮
大會重開。惟有女墻明月。夜深冷照秦淮。

祝英臺近 詠燕

画簾前。春社近。雙燕趁風墜。愛洗紅襟。頻蘸池塘水。
幾回軟語商量。落紅如雨。好啣補梁間新壘。念誰
倚。還記花影重門。和香宿花底。月暝燈昏。莫把朱樓
閉。待他飛入中閨。天涯人遠。有一紙素書遙寄。

一叢花 南園讌集

綠榆高柳護山扉。三徑碧苔肥。客來閒倚軒窗靜。更
檻外潮漲平池。靚面荷風。當筵香雨。涼透芰荷衣。
來山釣水總相宜。有酒莫教辭。逢場取樂真吾事。更
休問吹竹彈絲。後會何時。陰晴未卜。肯不醉如泥。

早梅芳 元宵

月當城。霜融瓦。令節交元夜。滿街燈市。海上鰲山正
初駕。香塵雲路起。火樹星球掛。看珠簾半捲。紅袖飄
蘭麝。響鈿車。遲寶馬。是好風流也。遺簪墮珥。一餉

嬉遊爲貪耍踏歌聲縹緲把盞人閒暇笑黃柑不到蓬門下

滿江紅 登弘濟寺大士閣

傑閣橫空危欄外崩濤捲雪正蘆花漸老斜陽明滅石卧松根雄似虎苔侵石上青如髮是何年拔地駕巉巖江天豁 撥不到魚龍窟流不斷英雄血看西風吹送布帆幾葉弔古尚餘碑碣在停橈又遇清秋節把鄉心遙趁暮潮東愁千疊

意難忘

懷朱雪鴻同學

同學同鄉去魚莊蠓舍水遠山長羅浮明月迴庾嶺早梅香天黯淡路蒼茫忽再換星霜歲漸闌憑高望遠彼美何方 多君才擅班揚更胸懷濟勝驢掛奚囊雞聲茅店早桑落夜尊涼清客夢斷人腸看候雁南翔奈雁來無書寄也費我思量

玉漏遲

初寒夜坐

小樓天乍暝早看烟罩萬山青欵高樹風尖透入傷池疎檻做冷重雲四合遮不斷暮鴉千點安妻慘倚闌獨自柴門輕掩 整頓烏几匡牀怕展卷挑燈易

名家詩金
增傷感。一片雄心尚餘匣中龍劍。搔首數莖短髮。又誰許暗霜偷染。嗟荏苒流光把人頻賺。

滿庭芳 紅葉

溼染猩唇。乾燥鵲血。清霜画出秋容。水根山脚。樹樹響西風。天外殘陽一抹。紛來映紺殿玲瓏。停車處。重
重暗積。錯認雨飛紅。年光容易換。纖腰欲瘦。蓬髮都鬆。任白日斜暉。難繫行蹤。三徑黃花瘦也。况不是江岸芙蓉長門。杳相思寫徧。流出御溝中。

水調歌頭

中秋無月

怪殺一宵雨。偏與月爲讐。猥將重疊雲影。遮斷挂輪秋。欲把吳剛剛斧。斫破通天障礙。扶上碧山頭。露出廣寒闕。豁我舊雙眸。紅螺盞。白羽扇。坐南樓。姮娥應戀。清夜起舞任夷猶。無奈陰晴難問。何用管絃吹徹。有酒且澆愁。獨擁寒衾卧。欹枕數更籌。

鳳凰臺上憶吹簫

寄越江太史

大曆詩人清時名彥。幾回視草鸞坡。羨胸吞雲夢。筆瀉銀河。誰似金華殿裏。承顧問。八斗才多。清華選。瀛臺召賦。南陌鳴珂。峨峨登高北望。千萬疊雲山無

那愁何。念十年同學。我伴漁蓑。何日金尊重。泛花爛
漫。剪燭高歌。東皇近。春風又將。暗度烟蘿。

燭影搖紅

送朱令方司鐸績溪

孝友先生。摩天勁翮。盤鵬鷲。多年稽古。比桓榮。六十
纔司鐸。靈境嶂標。白嶽翠眉。亭兩山如削。宦遊茲去。
高坐烟雲。飽撥丘壑。莫笑官卑。千秋吾道。宗濂洛。
考亭未遠。得真傳。述也能兼作。好續向來絕學。絳帷
啓休嫌寂寞。新安江上。一紙音書。鱗鴻堪託。

長亭怨慢

春晚

見郊外綠陰無縫。幾處園林。雨沉烟重。葉底殘紅。飛
來閒補蒼苔空。柳稍風動。勾引得黃鸝。哢這一段韶
光。怎忍便匆匆。如此斷送。念春來易去。難把羲輪
勒控。芳心未老。有蝴蝶趁晴偷捧。倚樓望黯淡江山。
怕離恨無人堪共。算此夜相思。應與梨花同夢。

雙雙燕

送沈南疑

一帆細雨。渡烟水吳淞。暮潮凝碧。心知有幾。忍使乍
逢。還隔多少英雄。草澤誰得似君才無敵。江頭幾樹
垂楊。都綴離人行色。天下何人不識。任馬首蓬窗。

東西南北。鴛湖春晚。莫負筍輿蠟屐。况有高樓百尺。休忘了滬城寒食。生怕別後相思醉也未能消得。

高陽臺 姑蘇懷古

茂苑烟寒。蘇臺草積。憑高怕見春深。千古江山。誰教霸業消沉。百花洲上花爭放。恨東皇風雨難禁。向橫塘繫纜。傷懷不自而今。要離塚沒苔侵。但荒塵寂寂。古樹森森。幾箇殘鴉。月明啼過城陰。美人已逐雄圖盡。徧五湖何處追尋。到黃昏愛聽漁歌。愁聽笳音。

東風第一枝 早梅

冰未流澌。霜猶濕瓦。冷香幾樹先吐。向陽粉面辭寒。倚闌淡粧微露。芳心輕漏。看如笑欲言無語。是素娥飛下人間。來伴小窗蓬戶。雲黯黯雪飄古渡。天淡淡月橫細路。誰家長笛孤吹。黃昏素琴自撫。山空夜靜。何處問霓裳重舞。待明日放棹西湖。尋取林逋仙侶。

疎簾淡月 冬景

高林葉脫。似既老佳人。不梳烏髮。冷入蒼山。峰削瘦存清骨。沙頭叫斷斜飛雁。乍離群又橫天末。暗風蕭

名
家
詩
錄

瑟。同雲黯淡。碧空將雪。漸老樹寒鴉待月。小樓烟
暝。胆瓶冰結。斗室圍爐難暖。錦衾如鐵。自憐今夜愁
重疊。又鄰家長笛吹徹。漏殘迢遞。宵深寂寞。倩誰消
豁。

丁
葯
園
滋曰。蘭舫鍊格不取奇偉。而流麗處時有
清風徐來。水波不興之致。

王子武九齡曰。承哉爲半眉進士猶子。其飛才駕
學。同社素所屈指。今讀其詞。抑何珠璣錯落。芳
芬襲人也。

吳蘭次綺曰。承哉博搜群籍。著書滿家。卽讀其賦
鈔一選。足徵巨匠苦心。蘭舫小詞。又豹之一斑
也。

聶晉人先曰。香澤銷沉於坡老。壯懷減氣於屯田。

名家詞錄
今得讀蘭舫詞。始知兼躋關楨。有天衣無縫之
致。

名家詞鈔目錄

廬陵 聶先 晉人

長水 曾王孫 道扶

纂定

守齋詞

山陰 呂師濂 黍字

梅子黃時雨 夏雲峰

驀山溪 夏初臨

並蒂芙蓉 隔簾聽

意難忘 鞦韆毬

瑤臺聚八仙 天香

拜新月慢 齊天樂

蘇幕遮 明月逐人來

臨江仙

守齋詞

山陰 呂師濂 黍字

梅子黃時雨 客端州對梅雨作

遊憶春分見梅子箇黃牙底酸濺到戴勝鳴桑落完
金彈今捉蒲葵來對雨已過兩月時光換家園畔
籜嫩尖茶焙方片 天半轟雷搖電瀉銀河頃刻乾
坤瀰漫恐鬪躍魚龍交愁鶯燕娛老琴書新潤濕太
陽思借休噴飯還牽絆得無荔枝淋爛

夏雲峰 賦得夏雲多奇峰

運籌堂高樓外。雖逢盛暑猶涼。朝暮雨晴不定。儵忽陰陽。蔚蒸雲物。如岱嶽滴翠。飛光看不厭。枝崖蔓壑。漏教長。此中可構丹房。鎮容我淹留。霧蓋烟幢。服食木芝石髓。縮到錢唐。倚闌端睨。是一幅僧絲沒骨。飄緲生香。

驀山溪

送友歸山陰

送春無奈。又送人歸。越樽酒豈交情。聊以代柳條贈。折離愁千斛。挂向布帆中。風烟渺。雲山疊。珍重他鄉別。若耶秦望。誰不瞻思切。母氏倚柴門。料零丁淚。沾白髮。絕裾知悔。溫嶠笑吾該。天涯况平安。札都藉君傳達。

夏初臨

立夏和萬吳兩先生

穀雨方辭。麥秋俄至。溫風慣度炎州。人在窮途。鶯歌燕舞。渾愁只應樵斧。漁舟。又何堪。御李依劉。逢時傷暮。捫心斷魂。歸計難謀。能詩萬楚。妙翰吳均。肝腸幸許。水乳同投。山晴月起。携登紫翠。層樓大白。教浮縱雄談。玉落珠流。夏當頭。雙揮絲毫。思發花抽。

並蒂芙蓉

初夏見木芙蓉盛開

老去看花任宛如霧裏仍高遊。與前日送東皇。漸紅
瘦芳逕。誰知水邊木末。露出酡容。似初醒。翠衿掩映。
壓疎桐。晚菊東籬金井。鄉園此時亦熱。更如年日
影。思賒秋色。就切禱天公也。難必依聽。今朝拒霜媚
眼。只覺羅衣生微冷。地過庾嶺。譬寒梅小春開整。

隔簾聽

枕上聽鸚鵡誦孟襄陽春眠不覺曉

香稻啄餘饒舌。慣把天催曙。花窓正味高眠。趣奈絮
逼呢喃。碎於怨慕。意再注。是吟哦。浩然佳句。人憐
汝。當筵題賦。惹到將軍。妒洲邊。草色晴川。樹至今含

恨。寔由君故。恍然悟。何如不言為愈。

意難忘

見月懷朱別駕遊德慶州未還

花底無聊伴。掃翁雪舫。謀及漁樵。斜暝辭屋角。素影
逗林梢。懷別駕。滯遊橈。長夏若來消。定踞牀。酒如川
吸。句必冰雕。姮娥曉我心勞。着銀蟾。拭鏡珠蚌乘
潮。星巖呼可近。錦石望仍遙。德慶之山名曰錦石人遠隔首重
搔。何事忽聞簫。引羈愁。直飛天上。與月同高。

鞦韆繡毬

詠珊瑚毬花

天把紫丁香。團簇就丹砂。包裹映霞如灼。當風能滾。

問誰曾見。只生嶺外。不來江左。或是莽騫奇貨。同
首。菡。筇。携。過。石。崇。王。愷。漫。誇。空。賽。猜。他。昨。夜。多。應。
被。杜。鵑。啼。破。

瑤臺聚八仙

寶月臺落成

聞說斯臺宜避暑。涼在綠雪榕槐。野塘流水。風動欲
溼。遊。鞋。山。色。沾。眉。收。象。郡。海。光。送。目。想。珠。崖。躡。層。階。
可通帝座。云絕纖埃。留傳朔自孝肅。臺朔于包孝肅公命名寶

月想命名寶月。義取澄懷。棖桷飄搖。風雨沒草沉苔。

元勲慷慨脫俸。

謂制府吳公也

既輪奐還懸玉篆牌。端陽日。

訂擊鮮載酒。天上登來。

天香

觀製萬壽怡香

久視長生無愁鎮悅。伊誰得以如此。好箇香名。巧將
人。祝。每。思。購。他。方。子。韓。康。肘。後。新。解。贈。三。行。綠。字。買。
日。龍。涎。有。否。春。時。麝。臍。加。未。纔。知。性。情。更。異。不。宜。

燒只宜輕沸。惹到遠峰鄰蝶。一般歡喜。何幸投吾四
兩。手。微。觸。流。涎。已。沾。袂。那。覓。銀。窩。鈎。簾。煮。試。

拜新月慢

運籌堂對月坐話

射日教沉。呼風微至。攤飯邀涼。南牖夾竹桃花倚雲。

欄開茂。廣寒裏。擲下銀毬一箇。彷彿籠來紅袖。抱膝披懷。此清光生受。塵頻麾。玉屑飛冲斗。蟾高吐。寶氣明於晝。落魄瘴海蠻鄉。得雙眉舒皺。賴傾心寫意。皆良友。星文聚。太史應占奏。談不了。昨是今非。約明宵還又。

齊天樂

五日讌錫祉堂

今朝剛是天中屆。鄉心忽飛天外。北海風高。延陵誼古。雅設瓊筵恭待。登伴物怪。却都產龍宮。故屏蝦菜。椀內香膠。亦從番舶萬錢買。堂深簾靜。日仄命分

行左舞。右歌相賽。黑鬼盤跚。紅兒窳窳。喜得賓僚無奈。擎犀擲采。竟醉倒朱家。竹牀眠在。朱別駕大醉。起看新蟾。半彎沉醉靄。

蘇幕遮

新秋用周美成韻

燕將歸。鱸尚小。初拂金風。桐葉辭柯少。大火雖流炎。更峭嶺外迎寒。出月還嫌早。玉繩低。香霧裊。檀板瓊笙。預引黃姑到。今夕由他蓮漏杳。醺醪如泉。莫說天能曉。

明月逐人來

制府中秋公讌限用張蘆川韻

山收紫翠。琴停綠綺。裴徊望、逃離雲水。布筵露井。耽
近姮娥意。共道天香可致。多謝尚書高興。呼童歌
吹。投車轄。何人不醉。夜分欲冷。攜出公孫被。卧裛金
波灑氣。

臨江仙

訪友留飲有贈

黯澹灘頭纔到。昆明池上初逢。羅雲縠霧帶香風。兩
岐眉簇紫。三斗靨微紅。遭亂最憐王粲。嘗泉無遜
盧仝。縹緗高擁百塵空。清思在物外。尋菊養瓶中。

吳菌次

綺

曰黍字讀書破萬卷。壯遊遠萬里。而不

遇若此。不得已而漫興填詞。出入於秦柳辛陸
之間。致况蕭瑟。良可哀也。然讀其辭華流麗。鏗
鏘和雅。若出金石。宛然正始之音。吾於是不奇
黍字之才。而奇黍字之養矣。

聶晉人

先

曰鈔詞以氣骨為主。故專尊平易疎暢

一路。以矯近來挾摘刻削之弊。吾友及山夫常
道黍字天下才也。其爲詩詞章法雄橫。有清廟
明堂之聲。力致太平之氣。今讀其守齋一編。洵

知黍字之作豈獨為詞壇藥石也哉

名家詞鈔目錄

廬陵 聶先 晉人

長水 曾王孫 道扶 卷定

葯菴詞

山陰 呂洪烈 清卿

搗練子 憶王孫 二調

桃源憶故人 蝶戀花

蘇幕遮 鞦韆毬

探春慢 金菊對芙蓉

望海潮

滿江紅

河傳

謁金門

玉漏遲

葑菴詞

山陰

呂洪烈

清卿

搗練子

閨曉

珠○藥○綻○露○華○零○海○燕○雙○飛○出○畫○屏○少○婦○幾○回○呼○不○起○
倩○人○學○唱○賣○花○聲○

憶王孫

吳中弔古

彩○雲○朝○往○暮○還○來○池○畔○芙○蓉○開○又○開○可○有○西○施○去○復○
回○問○胥○臺○明○月○春○宵○幾○劫○灰○

前調

銅釵弄影百花洲。帶月穿花小鳳頭。那管梧桐報早秋。樂無休。何必吳王也解愁。

桃源憶故人 月夜

梧桐露滴水輪洗。小院清如秋水。萬籟無聲靜裏。絳啼初起。芙蓉影浸橫塘底。翠地金風襲體。暗動愁腸。一縷。搗就寒衣未。

蝶戀花 咏紅梅

淡染臙胭和粉凍。撇却冰姿。換取嬌姿弄。只恐孤山人未種。朱顏難與先生共。似有絳雲來入夢。一樣

寒香也倩春風送。貪學桃花情太重。休嫌結子儂無用。

蘇幕遮 秋日限韻

袷衣單。紈扇小。蕭灑花陰。祇覺流螢少。獨上層臺幽徑。峭迴望。長空雁字來。何早。水痕收。山帶裊。迢迢鄉關。夢去何時到。涼月微明。銀漢杳。驀地寒生。愁對疎星曉。

鞦韆球 咏紅繡毬花

榴花恰流丹。相偎傍。垂頭羞避。絳圍千疊。來從何處。

豈由滄海網來竭澤。珊瑚連理。若把綵毬相擬。香閣下。儘堪拋死。雨沾風壓。百般無力。佳人乍見。將纖趾。蹴他飛起。

探春慢 送姜蒼崖歸里

桃浪風柔。柳堤烟細。一帶橫江湛碧。蟹戶操舟。蠻娘鼓櫂。唱出離情千尺。野草連天遠。望不斷。荒亭古驛。片帆影落澄波。搖搖傷我魂魄。多少故人晨夕。嘆艷冶春光。已成虛擲。嶺送猿啼。林揆鶯轉。無數怨聲。狼籍宛轉。銜杯酒。夕陽裏。又聽長笛。三疊吹來。只愁

今夜頭白

金菊對芙蓉

咏弄色芙蓉步萬紅友韻

幕護霜侵。亭開烟瑣。平欄木末花齊。對瑤臺早放。一色冰肌。何妨巧學。閨人面。塗紅粉。掩過凝脂。茶蘼香褪。海棠睡足。潛換嬌姿。憶昔妖艷。爭奇有承恩號。國鬪色。楊妃偶裁。成半臂。疊襯緋衣。霓裳舞罷霞裳。進顛釵頭玉蕊。瓊枝晚粧。旣卸。徐娘總老。願記當時

望海潮

吳雪舫訂余同歸乃別我先行漫作送之

晨星浮渚。朝雲穿峽。春流穩送檣牙。榕散綠陰。桃飛

絳雪爭看錦纜牽。霞一自帶天涯。隔江見帆影。無異
仙槎。駿足先馳土牛何鈍。漫咨嗟。多君午月歸家。
有香聯棣萼。壽獻萱花。新婦夢熊。他年虎跳頻添桂
子。蘭芽行樂更堪誇。開筵進家釀。還試新茶。矯首時
應念我。歸棹幾時拏。

滿江紅

琰青偕紅友。尊菴升公禹。金九錫六
君子遊七星巖。惟余兀坐。衙齋獨不
與會。竊有憾焉。歸示前調。則尤令人妬。顧
余卽不可附。竹林之數。詎不能效陽春之
和耶。信手漫
成。用記其事。

嶺鎖秋陰。拂千頃平湖。曉鏡遙羨。煞雙雙蠟展。抹雲

流影。謝墅堪攜。歌舞伎。賀池好放。烟波艇。阻登臨。無
限故鄉思。孤遊興。星七聚。峰爭勝。人六逸。名傳永。
恨無緣不共。眼前佳景。豪客應開蟹榼酒。衰翁聊吸
青蘂茗。總歸來。餘興度生歌。無心聽。

河傳

覓渡

南浦春暮。綠楊絲軟。碧桃花墮。弄舟橫。漾篙輕。波濺
燕飛猶掠面。小立晴沙日將夕。停遊客。何處雲颿
急。捲長綸。採香芹。迷津烟光隔岸生。

謁金門

前題

菰蒲路碧。漲一痕新雨。鸚玉雙飛沙嘴午。小舟橫野。
渡。烟鎖綠楊庭戶。直得倚筇凝佇。欲喚長年。渾未
許。老漁還共語。

玉漏遲 西湖待月

淡烟籠遠水。美人新沐黛眉雙掃。暮靄初分。一鏡涵
波。縹緲十里荷香。如舊恨不見當年。蘇小青未了。問
嫦娥何事起來早。須臾月出東山。看峰掛琉璃。波
堆瑪瑙。更况周郎顧曲。英雄年少。歸路杳。露滴梧桐
清曉。

曾道扶

王孫

曰。清卿以跋扈飛揚之筆。舒恢奇磊

落之才。填紅牙鐵板之音。譜錦瑟銀箏之調。翠
袖懷青綾幾束。鶯喉唱絳樹雙聲。操選事而嚴
倚聲者。其亦有餘榮耶。

聶晉人

先

曰。海內詞家林立。而當行者最少。好婉

樂則摹秦柳。樂雄放則仿辛陸。近來浙西一派。
獨嗜姜史。追尊南宋。殊不知倚聲之道。不可執
一而論。如菽菴詞。不卽不離。酌乎其中。可以陶
我性情。播之弦管。便是詞家三昧。

名家詞鈔目錄

廬陵 聶先 晉人

長水 曾王孫 道扶 纂定

探西詞

西湖 邵錫榮 二峰

一葉落 長相思 三首

點絳脣 減字木蘭花

誤佳期 南歌子

杏花天 浪淘沙

南鄉子

明月掉孤舟

鵲橋仙

虞美人

玉樓春

踏莎行

後庭宴

鳳樓梧

漁家傲

醉春風

謝池春

滿江紅

金明池

南浦

賀新郎

戚氏

添字鶯啼序

探酉詞

西湖

邵錫榮

二峰

一葉落

中秋

夜寂寞。單綃薄。玉簫聲斷空絃索。彩雲招不來。皓月
窺樓閣。窺樓閣。驀地思量著。

長相思

花月夜

花半軒。月半軒。花月偏生結夜緣。花愁月也憐。花
要鮮。月要圓。月約花枝到枕邊。阿儂一個眠。

前調

有贈二首

愁別離。恨別離。只道今生兩不離。而今竟別離。行
不離。坐不離。六七年來總不離。如何輕別離。

前調

朝也愁。暮也愁。愁到今宵懶得愁。愁來切莫愁。切
莫愁。不慣愁。寄與伊家萬種愁。愁多一發愁。

點絳脣

繡

弱柳搖春。東風難鎖晴絲亂。吐絨牕畔。手刺鴛鴦倦。
怪爾雙棲。偏是儂無伴。殘鍼線。繡完這半。寄與伊
家看。

減字木蘭花

對鏡

問郎知否。箇裏家人何處有。一樣娉婷。對面休嫌隔
一層。聽憑郎看。調笑傳情都不管。各負芳容。誰說
他家就是儂。

誤佳期

錯認

屏內燈花如豆。簾外月光如晝。海棠深處是何人。悄
立花陰後。低喚不擡頭。移步儂相就。仔細看看不
是他。折轉身來走。

南歌子

冬詞

東○雀○愁○簷○瓦○癡○雲○壓○小○樓○雪○花○輕○薄○打○簾○鈎○笑○說○今○
朝○寒○重○怕○梳○頭○鐵○馬○風○聲○疾○金○尊○酒○力○柔○問○郎○何○
往○著○新○裘○休○要○出○門○翻○怪○不○曾○留○

杏花天 春曉

昨○宵○細○雨○知○多○少○只○恐○花○枝○瘦○了○闌○干○月○落○紗○窗○小○
鸚○鵡○聲○中○春○曉○人○別○後○海○棠○都○老○到○不○若○閒○花○常○
好○幾○千○驛○路○無○書○到○妾○夢○隨○他○芳○草○

浪淘沙 詠茉莉

劈○玉○碎○搓○成○鵲○腦○香○勻○紗○幘○籠○罩○短○屏○深○午○夜○碧○闌○

風○細○細○約○月○留○雲○和○露○摘○來○新○朶○朶○輕○盈○烏○蠻○小○
髻○一○叢○春○梅○喜○寒○時○伊○喜○熱○同○抱○冰○魂○

南鄉子 雨

斜○點○撲○簾○鈎○撥○眼○撩○寒○懶○下○樓○攪○得○夢○魂○零○碎○了○悠○
悠○何○况○今○宵○已○是○秋○和○淚○到○心○頭○做○弄○離○聲○未○肯○
休○窗○外○芭○蕉○關○甚○事○颼○颼○也○與○儂○家○一○樣○愁○

明月掉孤舟 舟歸

盪○槩○妖○姬○年○紀○小○扁○舟○載○得○愁○多○少○雨○後○芙○蓉○風○前○
楊○柳○盡○不○及○儂○顏○好○似○洛○神○凌○波○縹緲○唱○一○曲○吳○

歌聲杳纔過橫塘。又來斷听。莫容易撐開了。

鵲橋仙 雨七夕

小鬟統扇。瓜盤酒盞。西面涼風乍緊。小廳兒女試聰
明。盡說道穿鍼有準。浮梁已駕。銀河光沒。雨陣今
宵忒狠。拋雲帶水。赴仙期。反不若人間安穩。

虞美人 詠鏡

團圓却似瑤臺月。但願常無缺。幾回掩却又重看。縱
有清光難照望。夫山恨他照出愁容貌。索性呵昏
了。呵昏懶去打磨。新拚得模糊不認舊時春。

玉樓春 春景

長堤芳草王孫路。萬斛離愁容易訴。杏花晴水一羣
鵝。燕子平蕪三日雨。落紅飛入東鄰去。片片隨風
難自主。折梅驛使不多時。春光又到銷魂處。

踏莎行 楊花

鶯眼重開。湘簾垂地。尋郎扶夢行千里。只因生性忒
輕狂。忽來忽去能容易。滾滾斜陽。迢迢流水。沾泥
惱被風吹起。轉身又化作浮萍。平生一點心難死。

後庭宴 春夜

翡翠簾櫳。海棠香徑。博山烟裊。龍涎餅。半樓明月照東鄰。無端移過鞦韆影。悶來獨倚闌干。少箇人兒相凭。千金良夜。斷送千金命。久立畫簷前。輕寒羅袖冷。

鳳棲梧

送丁天菴之茗谿

春盡殘紅飛滿地。夜月多情。照管君行李。客路高年看仔細。經營慘淡無人替。一陣南風何處起。吹得離魂先渡茗溪水。上馬登舟。休下淚。不多時節相逢矣。

漁家傲

本意

携箇扁舟隨處泊。五湖烟水平生足。風起蒲帆懸十幅。歌一曲。櫓聲軟。乃千山綠。前網初收後網續。菰蘆吹火烹魚熟。世外逍遙無管束。收綸獨。月明閒照。簑衣宿。

醉春風

辨醉

昨夜何曾醉。脫衣偎抱睡。醒時酒氣一些無。罪罪罪。只爲貪杯。喫人冤枉。思量追悔。痛飲從來忌。難辭朋友意。因何着惱。恁般深。跪跪跪。且想今番。請看日。

後卿言牢記

謝池春 放舟

西子湖頭初放二峰輕棹。趁微風。湖心便到。鶯簧蝶板更狂朋歡笑。艷陽天何妨醉倒。波光零亂千頃。玻璃浮寶。滯京塵。青山應諳此亭楊柳。不犯樵夫惱。吸殘尊。歸家還早。

滿江紅 下第

吾亦何辜。恨文星待吾何酷。辛苦盡。長安五上。羣材爭逐。浪阻龍門魚點額。珠遺滄海蛟無目。豈筆鋒難

戰是戈鋒。英雄哭。燈火債誰堪贖。吾往矣。誰拘束。待叫破蟾宮。燒殘書籠牝牡驪黃。安足數之乎者也。何須讀看他年赤手竟騎鯨。驚流俗。

金明池 金陵弔古

龍虎江山。南朝天子。易姓如雷。逐雨嘆基業百年誰保。問廢瓦斷垣何處。最無端大戟長鎗。竟葬在步步。金蓮花裏。看禾黍斜陽。酒旗戲鼓。燕子飛來飛去。說盡興亡。渾幾許。只天限東南。長江為主。笑王謝率皆爾爾。正不必怪他餘子。更如今海內誰人。念祖述

之鞭。桓溫之樹。但明月高城。寒潮夜打。頓使英雄心
怒。

南浦 喜歸

賺人簷鵲好無端。叫得不辭勞。前日占他來信。原說
是今朝。正在猜疑時節。聽連錢門外馬聲驕。豈當真
歸也。朱唇重點。纖手掠肩梢。笑問伊家何故。肯經
年道路作逍遙。難道紅樓輪却風。店與霜橋。喫盡相
思滋味苦。今生總不許。輕拋倚翠屏。明月黃昏。依舊
教吹簫。

賀新郎

聽人說隋唐故事

有客登壇矣。掉瀾翻懸河倒峽。舌鋒遊戲。颯颯悲風
驚四座。鐵馬金戈齊起。忽黑霧黃塵天地。羽扇綸巾
推李靖。看火攻。鴿子真奇計。沙場上。如斯耳。不聞
刁斗聲傳遞。但聞他。撻金伐鼓。旌旗千里。堪羨秦王
真英主。所向披靡而已。更左右驍騰無比。掠邑攻城
如在眼。却教人打動從戎志。聽說罷。令吾喜。

戚氏

怨情

倚闌干。養花天氣。做輕寒。多事東風。朝朝吹皺兩眉。

鸞。海。棠。爲。雨。殘。茶。藤。深。鎖。半。庭。烟。子。規。能。喚。春。去。不。
解。喚。薄。倖。人。還。繡。茨。塵。封。寶。奩。釵。折。相。呼。鏡。裏。孤。鸞。
恁。東。牆。蝴。蝶。画。梁。燕。子。逐。隊。同。眠。別。時。藕。葉。如。錢。
出。門。低。說。歸。到。賞。池。蓮。誰。知。道。蓮。子。心。苦。絲。斷。難。牽。
妾。猶。如。春。蠶。到。死。成。綿。君。如。飛。箭。離。弦。啼。還。有。淚。斷。
到。無。腸。開。簾。夜。夜。呼。天。鎮。日。思。量。去。非。關。今。日。定。
是。生。前。從。來。紫。簫。聲。咽。怪。高。樓。皎。月。故。團。圓。奈。何。來。
不。能。來。忘。難。忘。得。敲。碎。鴛。鴦。枕。把。寄。儂。無。準。飛。鴻。信。
都。一。一。燒。向。燈。邊。也。只。拚。憔悴。紅。顏。縱。調。脂。弄。粉。沒。

誰憐玉環猶在韋郎須結兩世良緣

添字鶯啼序

燈夕

春來不多幾日。十分春滿。路填街巷。寶絡銀毬。蜀錦
吳綾無數。迷離幻。蜃樓海市。爭粧點。玉門朱戶。略遲
些時也。共相約。看燈去。何處珠簾。誰家酒館。隔輕
烟軟霧。今宵幸。天肯賒晴。逞他揭。天簫鼓。鬧唵唵。人
爭買。夜還聽。唱紅牙金縷。指橋邊。有座鼇山。出奇燈
譜。羅裙成隊。履舄成行。走傾城。士女。怕萬簇彩雲
流綺。三三聯袂。兩兩隨肩。踏翻瑤圃。珠宮不夜。休催

連漏打頭明月當頭住。色溶溶似與燈光賭。桃花玉
勒五陵年少。騎來却見天邪眉嫵。當場送眼。暗地
斜窺。更垂頭佯躲。又悄解紫囊偷付。微逗春心。趁此
幽期。愛行多露。可憐究竟分開歡喜。一番好夢空嘆
息。待明朝來拾遺釵股。揚鞭馳轡歸家。鵝酒重溫。斷
魂莫訴。

徐方虎

倬

曰。斜陽外寒鴉數點。流水遶孤村。微茫

寂寞之景也。燕子脚將春色去。紗窓幾陣黃梅
雨。艷麗綺靡之思也。馬滑霜濃。不如休去。其情
淫以摯。杏花疎影裏。吹笛到天明。其語爽而豪。
邵子以弱冠之年。含毫構思。備諸家之美。南唐
北宋之間。且將高置一座。予獨喋喋焉。分周柳
而別蘇辛。予且瞠乎後矣。

韓元少

莢

曰。二峰世兄。梓其填詞小令。冰心玉骨。

膩致柔情。字裏珠璣。行間香艷。真能得詞中三

昧者乎。



